

## Nöd ganz putzt

*Pedi Fritz*

Ja sauber bini nur eh churzi Ziti im Lebe gsi  
gstartet het de ganzi Lütter scho mit zwölfi  
bergab oder berguf chammer sich drüber striite  
doch eis isch mer blibe, schlechti Luune woti no immer vernichte  
früener hanis mit Dope gmacht, hüt machis mit Geduld  
und wenn's mal nöd klapped, isch bestimmt dä Badi d'Schuld  
doch ich nimmes mit Humor, nöd ganz putzt i mim Schädel  
s'chunnt alles guet min Sohn und wenn nöd hanis scho wieder vergesse  
denn ich muess mich nöd messe, bi Stress miauhi dri  
bring s'Pferd hinedri und flüg devo, wie en Kolibri  
für dich bini nöd ganz putzt und en riise huere Schnurri  
aber heeeeey, gratuliere zum Geburi  
chum leckmer doch am Arsch, ich mach en Schniidersitz im stah  
glaub mer es git nume zwei vo däre Art  
das isch Skill-Level 1000, Rappe ohni Maas  
d'Wurze us 1 Hektovolt geteilt mal 18 Kelvinbars

*Ref*

Mir sind nöd ganz putzt, ja du weisch das  
hend nur Scheisse im Kopf, bruched kei Gras  
baved eusi Welt uf wie bi Minecraft  
mached de Job ide Booth, Digger eis A

denn mir sind nöd ganz putzt, (heeee) taaraataaa  
denn mir sind nöd ganz putzt, (heeee) taaraataaa  
denn mir sind nöd ganz putzt

*Badi*

D'Lüt fräged mich, wie isch das so i däre Szene  
Alte siit Jahre simmer heiss, mir chönd niemeh umchere  
laufed uf de street zumne 90s Beat im slow-mo Schritt  
es isch Ziet worde für es Album, wo jedem sis Lebe figgt  
de Beat killt wie Lilö 13, wo mir grad inefizzed  
uf dem Stuel, bliebsch du nie im Lebe sitze  
du chasch eusi Platte ha, Sanic-Kleber um jede Egge am glänze  
nöd ganz putzt, gaht über jedi schwiizer Grenze  
nenn das ganze Fitness, weni s'Gfühl ha, ich muess mich grad pushe  
bin immer z'friede als wür mr öper grad a de Eier lutsche  
nöd ganz sauber, i dä Baggypants dur d'Banke  
sind go reise und fascht nüme heicho, danke Schwiizerfranke  
lebe täglich imne Traum, lang an Haag bis mer eis butzt  
täglich under Strom du Penner, was luegsch so verduzt  
bstelled i dä Bar geg di 100 Lutz  
denn mir sind nöd ganz putzt

*1 x Ref*

*Pedi Fritz*

Bruche nöd eh riiese Zunge zum Arsch lecke für Erfolg  
gib der en riiese Huufe Silbä und ich schisse uf dis Gold  
du hesch öpis gege mini Wortwahl päch  
han de gröschti Respekt, vor Putzfachchräft  
au wennis de Job guet mached, bini nie ganz putzt  
schmeisse blai Peperoni dur de Clup  
riss en Handstand uf zwei Bei und en Backflip fürschi uf d'Bar  
so schisst mer paar Bars, ratatatataaa

*Badi*

Mach dä Batze nöd mit Musig aber mach en für d'Musig  
will ich de Chole ligge lahn uf de Überholspur du Susi  
bruch kä Vollautomatik uf 200 meter langt en Schuss  
to do Liste lang drum nimi de Töff, nöd de Bus  
Rapper sind nidisch, s'Lebe isch kritisch  
nime alles usenand, lahn de Beat tschädere, richtig chindisch  
jass mer en Shot ine, für die ledschti Ziele  
es hoch uf euses geile Lebe, d'Sunne über eus am schiine präh

*1 x Ref*

*Bridge*

mit Wasser probiert, mit Seife probiert, mit Sprit scho probiert  
scho mit Wodka und Bier  
mitem Bäse probiert, mit em Wüschmopp probiert  
Droge inkalkuliert es hät nüt funktioniert

drum simmer nöd ganz putzt  
drum simmer nöd ganz putzt  
aber heeei mir chönd nüt defüür

*2 x Ref*